

稽首靈觀五聖尊 願得國土保昇平
 稽首靈觀五聖尊 願得風雨應時行
 稽首靈觀五聖尊 願得百穀自登成
 稽首靈觀五聖尊 願得宅舍得安寧
 稽首靈觀五聖尊 願得父母享遐齡
 稽首靈觀五聖尊 願得謀運稱心清
 稽首靈觀五聖尊 願得財物足豐盈
 稽首靈觀五聖尊 願得火盜不相侵
 稽首靈觀五聖尊 願得出入利經官
 稽首靈觀五聖尊 願得無病保長生
 稽首靈觀五聖尊 願得諸福自來升
 稽首靈觀五聖尊 願得天真聖教興
 諸大仙衆稱讚願已龍車旌節來迎
 天尊復還真境是時
 天尊再告定惠真人曰爾等受吾此經宜下
 人間流傳信士依教奉行祈霑福祐於是定
 惠真人及諸仙衆遵奉
 道旨作禮而退
 太惠靜慈妙樂天尊說福德五聖經

太上正一呪鬼經

天師曰太上大君天之尊神左監祭酒天之
 真人左從百二十蛟龍右從百二十猛虎前
 導百二十朱雀後從百二十玄武頭上有五
 彩華蓋足履魁罡素男玉女衣服元炁玄炁
 玄黃周旋而遊生門晝夜與日月同光下統
 地祇上應北辰自有力士童男童女數千萬
 人齋持刀劍所礙者穿皆乘天鹿鳳凰麒麟
 窮奇辟邪數百為群騰蛇猛獸九萬九千皆
 能飛行出入無間噉食百鬼數千萬人衆精
 百邪不得妄前天師神呪急急如律令
 天師曰太和玄老乘青雲紫蓋華蓋玉女車
 輪水精為輿金銀為廂駭駕九龍光照諸天
 絳紫毛裘混混沌沌晃晃昱昱震動驚人但
 求百官江河大神龍王鬼神帥藏在雲間叩頭
 搏頌求自披陳不聽理訴收付獄君銅枷鐵
 鎖鉗其喉咽衆邪惶怖不敢妄前勅辦行厨
 賜吾真神吾今當出召神君久藏不見十億
 年但捕血祀諸森神珍窮天下剋異民扶言
 妄語自為神管毀道烝姁妬賢皆是妖惑蠱

道神但行邪偽別正真天師銜命化善人蛛
 蛇之鏡兼欲前邪逆妄害鐵鎖連捉頭三斬
 烹汝身窮奇辟邪縱橫吞比至神祀盡根元
 家親丈人但莫前授吾神呪爾莫前勅急急
 如律令

天師曰吾為天地除萬殃變身人間作鬼王
 身長丈六頭面方銅牙鐵齒銜鋒銛手持辟
 磨戴鑊湯動雷發電迴天光星辰失度月慘
 黃顯風泄地日收光草木焦枯樹摧藏崩山
 裂石斷河梁車載鐵鎖楹銀鑄一月三榜六
 呪章募求百鬼勤豪強得便斬殺除凶殃吾
 持神呪誰敢當急去千里勿當殃急急如律
 令
 天師曰吾上太山謁見黃老君教吾殺鬼語
 我神才上呼玉女收捕非殃登天左契佩帶
 印章頭戴華蓋足躡魁罡左扶六甲右扶六
 丁前有黃神後有越章神師誅伐不避豪強
 先殺邪神後滅遊光何神敢前何鬼敢當縛
 汝置水煮汝鑊湯三日一答五日一榜門丞
 捉縛玉女情掠吾更受辭靈君上章某甲無

罪過不得病賢良吾含天地悉呪毒殺鬼方
呪金金自銷呪木木自折呪水水自竭呪火
火自滅呪山山自崩呪石石自裂呪神神自
縛呪鬼鬼自殺呪禱禱自斷呪癰癰自決呪
毒毒自散呪詛詛自滅天師神呪至不得相
違矣急去千里急急如律令

天師曰吾為天地師驅逐如風雨左手執青
龍右手據白虎宵前有朱雀背上有玄武頭
上有仙人足下有玉女手中三將軍十指為
司馬功曹令束縛送到魁罡下徘徊三台間
五星皆捉把浮遊華蓋宮徑過闔闔下勅詰
太山府并及行使者收捕姦邪鬼杖魁耗亂
者及時誅邪偽露尸於道左御史上天曹令
以奏得下天師神呪至急急如律令

謁請素車白馬君五人兵士十萬人主收某
家宅中三五五墓之鬼
謁請運蒸君五人兵士十萬人主收某家宅
中百二十刑殺之鬼
謁請都曹正君五人兵士十萬人主收某家
宅中稟精百邪之鬼

謁請考君五人兵士十萬人主收某家宅
中下官故蒸之鬼
謁請守宅神君五人兵士十萬人主收某家
宅中辟邪盜賊之鬼
謁請廣司君五人兵士十萬人主收某家宅

中十二月建破殺之鬼
謁請北城語命謀議君五人兵士十萬人主
收某家宅中北時建王之鬼
謁請刺史從事千二百人各官將五人兵士
十萬人主收某家宅中五方瘟疫蒸蒸別人之
鬼

謁請无上太和君五人兵士十萬人主收某
家宅中百二十秋魁邪道之鬼
天師曰欲行道法欲治身修行欲救瘵病苦
欲求年命延長欲求過度災厄欲求白日昇
天欲求宅舍安穩欲求田蠶如意欲求販賣
得利欲求奴婢成行欲求仕宦高遷欲求訟
詞理訴欲求男女命長欲求保宜子孫欲求
婦女安胎令為別請十部都曹正蒸中即刺
史從事素車白馬君北城詔命君天上督逆

君廣司君太玄老君太和之蒸一千二百人
各將軍五人屯住某家中庭兵刃外向監察
內外下官故蒸血食之鬼秋感之神稟精百
邪千鬼萬神聖屍土精土毒造功立宅架屋
立柱築治園墟修管家宅破壞舍屋移轉并
靈動促門戶補治籬落縛東壁帳穿并掘窖
填補塞孔高下之功立成之功破殺之蒸悉
以斬殺之并收某家宅中五殘六賊十二秋
感男女非拜先代欲殃及呪殺聖屍破邪故
蒸留殃妖魁寄鬼始妬五虛六耗十二注詛
野道夢寤顛倒縣官口舌皆自消滅中宗外
親前亡後死男女復連無辜之鬼客死之鬼
兵死之鬼星死之鬼注死之鬼前死之鬼後
死之鬼應時呪殺之鬼一及諸百怪泉鳥鴟鵂
百鳥妄鳴狗嗥作怪血光金光火光水光木
光衣光髮光舍宅門戶開閉音聲之怪既叫
雀鳴金鐵之精天蜂青蠅蠅蛇野獸狐狸六
畜五毒之蒸藏在宅中不肯去者伏惟
太上勅下天曹應呪斬殺之如玄都鬼律不
得相干奉天師神呪急急如律令

臣重啓太上大道君太上老君太上丈人天師嗣師系師等三師文書事門下君將吏兵六質六直六端六愆二十四君等臣其稽首再拜

上言今世微薄運劫欲盡人民凶逆相習來久外陽爲善內懷豺狼但欲作惡不念行慈背面異辭共相規圖萬人之中無有一人欲求生道者乎心懷惡行相妬異端俱作死事淫泆好色馳務榮祿輕孤易貧強弱相凌君臣相伐父子相言兄弟相殺母女相罵婦姑相怕夫婦相圖骨肉相食不避親疎是以道烝不覆故放天災於九州之內白骨千里雖好者百不遺一如此之人自爲剛強抄賣婦女以爲娼妾上有五六下有三四車馬衣裘富貴奢泰任情恣意無所窮之維行鳴趨不避老少但行妖惑責領軒師更相厭固或錄人形像召人名諱長付社籠波也泉水無不痛處香美齋餅求於司命欲令男女憎他愛已迴心附影以爲歡悅隨時祭祀遂成野道雖利目前殃考在後食人兒女盡以及身破

門滅尸殃及後代如此秋感不可常事臣以軒惡故列表上奏歸命太上三天道主惟願太上勅下天曹請下吏兵六甲將軍六丁之神依呪斬殺野道之氣誅邪滅偽太上之制然鬼生民大道正法割給吏兵如臣所上佐

臣討伐立時消滅如玄邪鬼律急急如律令
天師曰今日甲貫野道首今日乙斷野道髮今日丙斷野道影今日丁斷野道形今日戊斷野道手今日己斷野道脚今日庚斷野道肝今日辛斷野道肺今日壬斷野道心今日癸斷野道尾斬野道死天野道三地野道五非主人家親不得住吾持神呪速出去江海中有窮奇共避邪將咸池食野道肉散野道皮汝不急去死乃至天神神呪急急如律令
天師曰今日六乙野道急出六丙六丁野道自刑六戌六己野道不起六庚六辛野道不神六壬六癸野道自死六甲將軍六丁之神斬殺野道不得近人天神神呪急急如律令
天師曰今日寅申野道不神今日卯酉野道不壽今日辰戌野道急出今日未丑野道不

久天師神呪急急如律令
天師曰五寅五卯斬殺野道五辰五巳斬殺野道妻子五午五未斬殺野道祿魁精巢五申五酉斬殺野道父母五戌五亥斬殺野道付海五子五丑斬殺野道頭首天神神呪急急如律令

天師曰今日甲辰野道不神今日甲戌野道悉出今日乙庚野道不行今日丙辛野道殺身今日丁壬破野道心今日戊癸殺野道死今日甲已殺野道妻市天神神呪急急如律令
天師曰東方野道青龍蛟南方野道炎火耀西方野道白虎嘯北方野道玄武尾掉中央野道黃帝飲汝血血出毒出矣吾知汝姓名北海大神謂衛狀身長三文頭長三尺黃金爲牙齒如曲鑿面廣三尺額頭正白朝食三千暮噉八百野道不盡見推求索天神神呪急急如律令
太上還悉解厄君百萬人无上天中君三千六百人

无上九帝君三十一萬人
 无上太和君官將九宮十二營衛諸天虛空
 大小一切百姓有病苦者告諸弟子大一大
 玄元始炁三十萬億諸國祭酒今牒中國諸
 姓字依名殺之若有居諸山鬼林鬼草鬼木
 鬼塚鬼墓鬼家鬼他鬼水邊鬼道傍鬼中鬼
 外鬼飲食鬼卧時鬼青赤黃白黑五色鬼有
 長鬼短鬼大鬼小鬼廣狹鬼夢寐鬼朝起鬼
 夜行鬼步行鬼飛行鬼問人鬼呼喚人鬼傷
 人鬼噴毒鬼急疾鬼行病放毒鬼五瘟鬼剔
 人鬼有急呪之鬼自摧滅

正一真人告諸祭酒弟子若能受吾是經有
 急頭痛目眩寒熱不調常讀此經魔魁破碎
 不敢當吾呪也若有官獄水火之災亦讀此
 經宅中有鬼亦讀此經元君諱字當讀是經
 有諸高大廣長鬼神苦撓天下暴酷百姓鬼
 神行病鬼神行疫鬼神行蒸鬼神有外祥鬼
 思想鬼癘殘鬼魁魘鬼熒惑鬼遊逆鎮厭鬼
 吐鬼伏屍鬼疰死鬼淫死鬼老死鬼宮舍鬼
 停傳鬼軍營鬼獄死鬼市死鬼驚人鬼木死

鬼火死鬼水死鬼客死鬼未葬鬼道路鬼兵
 死鬼星死鬼血死鬼通橋鬼斬死鬼絞死鬼
 逢忤鬼自刺鬼恐人鬼強死鬼兩頭鬼騎乘
 鬼車駕鬼山鬼神鬼土鬼山頭鬼水中鬼據
 梁鬼道中鬼羗胡鬼蠻夷鬼忘誕鬼蟲獠鬼
 精神鬼百蟲鬼并竈池澤鬼萬道鬼遮藏鬼
 不神鬼詐稱鬼一切大小百精諸鬼皆不得
 耗病某家男女之身鬼不隨呪各頭破作十
 分身首糜碎當誦是經呪鬼名字病即除差
 所向皆通此經功德聖力難量於是諸祭酒
 益等仰歎靈文欽承法訓志願奉持稽首而
 退

太上正一呪鬼經

道藏 卷之五

太上洞玄靈寶天尊說羅天大醮上品妙經
 爾時玉清聖境清微天宮金闕上帝元始天
 尊上清真境禹餘天宮玉晨道君靈寶天尊
 泰清仙境太赤天宮太上老君道德天尊吳
 天至尊金闕玉皇上帝北極紫微大帝南極
 天皇大帝十方諸天尊東方玉寶皇上天尊
 南方玄真萬福天尊西方太妙至極天尊北
 方玄上玉晨天尊東方度仙上聖天尊東
 南方好生度命天尊西南方太靈虛皇天尊
 西北方無量太華天尊上方玉虛明皇天尊
 下方真皇洞晨天尊道言十方諸天尊八極
 真人三官天地日月星辰回觀照耀伏願真
 形八方鎮委天官地官水官俱弗三方和同
 萬靈太一具形變成本相八十一天三十六
 地頭駕火叉身騎猛獸或跨蒼龍擲火萬里
 五嶽至尊青龍白虎朱雀玄武真武大將天
 蓬翊聖黑煞天猷羅叉從後力士隨行敬搖
 世界倒嶽傾津上至虛無下至幽冥乾坤五
 嶽四瀆尊神須彌手弄頂戴崑崙地至九府
 驅使力士處分天神六丁神兵六甲神兵天